

v° lviii

(...)

Testament, Peyrine

Au nom de dieu soict sachent tous p(rese)ns
& advenir que l **an mil six cens vingt huict** et le
quinziesme jour du moys de **sep(tem)^{bre}** avant midy **dans**
la maison d'habita(ti)on d'anthoine lala tysseran en villemur
dioceze bas montauban et sen(echau)^{ccc} de th(ou)l(ous)e regnant n(ot)re
souverain prince louys par la grace de dieu roy
de france et de navarre, pardevant moy no(tai)^{re} et
temoings bas nommes, constituee personnellem(en)^t
jeanne peyrine femme dud(it) lala laquelle gisent
dans son lit en la salle de lad(ite) maison respondant
a()la rue dicte delz faures dettenue de certaine
maladye corporelle toutesfois dieu graces bien voyant
oyant et()parlant estant en ses bons sens jugement
memoyre et cog(noissan)^{ce} considerant n()y avoir rien de plus
certain que la mort ny de plus incertain que l()heure
d()icelle de son bon gré non induitte ny subornée

de personne comme a()declaré a faict et ordonné son
testament non cupatif en la forme suyvante **en**
premier lieu a recommandé son ame a()dieu pere
filz et()saint (e)sprit le()supplyant qu'il luy plaize
luy faire pardon et()remission de()tous ses peches
pour l()amour de son bien aymé filz n(ot)re seigneur
jesus christ et vouloir colloquer son ame en son
paradis celeste, voulant et ordonnant lad(ite) testatrix
apres que son ame sera separée de son corps qu'icelluy
soict ensepvelly au **simetiere saint jean dud(it) villemur selon**
la coustume de la relligion refformée dont elle faict
proffession, et venant a()dispozer de ses biens, donne
et legue icelle testatrix a **francois amilhau filz d anthoine**
son nepveu la()somme de()vingt livres t(ournoi)z pour estre employer
a luy f(air)e apprendre quelque honneste mestier et en cas il
n'en apprendroict veut luy estre payée lors qu'il aura atteint
l'aage de()vingt cinq ans par son her(iti)er cy apres nommé
comme aussi donne et legue lad(ite) testatrix a
jeanne amilhaude sa niepce soeur dud(it) fran(çois) pareilhe
somme de()vingt livres t(ournoi)z payable lors que se colloquera
en mariage & non plustost / davantage donne
et legue icelle testatrix a **marye peyrine femme dud(it)**
anthoine amilhau et()mere desd(its) fran(çois) et()jeanne sa soeur
& a **jeanne maurine femme d()ysaac solier d(it) crabouly**

brassier dud(it) villemur toutes ses robes et au(tr)es habitz
qu'elle veut et entend leur estre bailhé et deslivré incontinant
apres son decés pour estre par lesd(ites) peyrine et()maurine
partage esgallement et outre ce donne et legue la
testatrix a()lad(ite) maurine la somme de dix livres
t(ournoi)z dans l()an apres le decés de lad(ite) testatrix

v^c lix

moyenant quoy icelle testatrix faict et()institue
les sus nommées ses her(iti)ers par(ticuli)^{ers} a()ce que ne puissent
rien plus prethendre ny demander sur sesd(its) biens et hereditié
declarent ne vouloir f(air)e aucuns au(tr)es legatz mais en
tous et checuns ses au(tr)es biens meubles immeubles noms
droictz vois et actions presens et advenir lad(ite) jeanne
peyrine testatrix faict et()institue son her(iti)er universel
et gen(er)al et de sa propre bouche l()a nommé assavoir le
susd(it) anthoine lala son mary pour de()tous sesd(its) biens
et hereditte incontinant apres son decés en jouyr et()f(air)e
et dispozer a()ses volentes tant en la vye qu'en la mort
en payant et()supportant ses susd(its) legatz et au(tr)es charges
hereditaires et ce en recompance des bons et agreables
services qu'en e receus et()pour l()affection que luy
porte, et tel a dict estre son dernier et()valable testament
que veut que vaille et()soit valable ou par droict de
testament ou de codicille ou de donna(ti)on faicte a cause
de mort ou disp(osition) de derniere volonté & par tout
au(tr)e droict uz et()stil que mieux pourra valoir cassant
revoquant et annullant tous au(tr)es precedans sy
point en y a le p(re)nt dem(e)urant seul valable,
sy a()pryes et()requis les tesmoings cy apres
nommes et()par elle recognus d'en estre recordz
& a moy d(it) no(tai)^{re} en rettenir instrument ce qu()ay
fait en presence de m(aîtr)e jean malbert greffier
jean tailhefer pierre tailhefer pere et()filz charpantier
jean tournaire, guill(aume) roudolousse brassiers de vill(emur)
andre lafourcade soldat en la garnison de lad(ite) ville, pier(re)
rivalhé et()jean fabré tysseran de la salvetat reffugiés
aud(it) villemur dont lesd(its) malbert *hortala* et lafourcade

se sont signes avec moy no(tai)re requis les au(tr)es
tesmoings et la testatrix ont dict ne scavoir.

Malbert, p(re)nt

Lafourcade, p(re)nt